



PRAVILNIK

Takmičenja u streljaštvu serijskim vazdušnim oružjem
u Streljačkom savezu Federacije Bosne i Hercegovine

Sarajevo, juli 2022. godine



P R A V I L N I K

za takmičenje u streljaštvu serijskim vazdušnim oružjem u
Streljačkom savezu Federacije Bosne i Hercegovine

Juli, 2022. godine

(Namjerno ostavljeno praznim)

Na osnovu Zakon o sportu u Bosni i Hercegovini “Službeni glasnik BiH“, broj 66/16, Zakona o udruženjima i fondacijama Federacije Bosne i Hercegovine“ Službeni glasnik BiH“, broj 94/16, Statuta Streljačkog saveza Federacije Bosne i Hercegovine, a u cilju regulisanja organizacije i načina takmičenja u streljaštvu serijskim vazдушnim oružjem u Streljačkom savezu Federacije Bosne i Hercegovine Upravni odbor Streljačkog saveza Federacije Bosne i Hercegovine donosi:

P R A V I L N I K

za takmičenje u streljaštvu serijskim vazдушnim oružjem u
Streljačkom savezu Federacije Bosne i Hercegovine

Član 1. (Predmet pravilnika)

Ovim pravilnikom određuju osnovna pravila i procedure takmičenja u streljaštvu koja organizuje Streljački savez Federacije Bosne i Hercegovine (u nastavku Savez) u domaćem programu - serijskom vazдушnom puškom (Federalna liga).

Član 2. (Sportsko oružje, oprema i municija)

Na takmičenjima u domaćem programu koristi se serijska vazдушna puška koja posjeduje oprugu za sabijanje zraka, odnosno puni se na preklapanje, kalibra 4.5 mm, izlazne brzine zrna ne veće od 200 m/s, sa otvorenim nišanima.

Korištenje druge streljačke opreme tipa: jakna, hlače, cipele, kačket i drugo je dozvoljeno i poželjno.

Svaki klub za svoje takmičare treba da osigura vazдушno oružje koje mora biti registrovano u skladu sa državnim i entiteskim propisima koji definišu ovu oblast, kao i municiju (dijabole).

Za takmičenje koristiti isključivo takmičarske dijabole sa ravnim vrhom.

Član 3. (Tehnike takmičenja i mete)

Takmičenje u streljaštvu vrši se iz stojećeg stava, na mete propisane za serijsku vazдушnu pušku, na udaljenosti od 10 metara (izgled i dimenzije mete u prilogu Pravilnika – Prilog broj 1).

Član 4.
(Organizacija takmičenja)

Na takmičenjima koja se organizuju u okviru domaćeg programa mogu učestvovati svi streljački klubovi, članovi SS FBiH koji izraze želju da se takmiče u ovom programu.

Takmičiti se mogu isključivo članovi streljačkih klubova koji su registrovani za klub.

Svaki klub će komesaru lige prije početka sezone takmičenja dostaviti spisak registrovanih takmičara za tu sezonu, a po obrascu koji je u prilogu propisa (Prilog broj: 7).

Klub koji ne prijavi takmičare u skladu sa ovim članom gubi pravo nastupa u tekućoj takmičarskoj sezoni.

Broj takmičara koje klub prijavljuje nije ograničen, izuzev ako Stručno-takmičarska komisija (STK) ne definiše drugačije.

Svaki klub za jedno kolo Federalne lige može prijaviti onoliko strijelaca koliko odredi UO Saveza, a na prijedlog STK (mješovito muški/ženski), a za Prvenstva Federacije Bosne i Hercegovine broj takmičara će se određivati posebnim odlukama, u zavisnosti od mjesta i vremena održavanja istog (prijave takođe mješovito muški/ženski).

Federalna liga se organizuje u najmanje 3 (tri) takmičarska kola, a u skladu sa kalendarom takmičenja koji, na prijedlog STK usaglasa i usvoji Upravni odbor saveza.

Na nivou Federacije Bosne i Hercegovine, u skladu sa ovim Pravilnikom, organizovat će se prvenstva za svaku kategoriju posebno. Raspored održavanja prvenstava bit će određen kalendarom takmičenja.

Nakon objavljivanja kalendara takmičenja SS BiH i dostavljenih prijedloga za održavanje posebnih takmičenja čiji će domaćini biti članice SS FBiH (turniri), Upravni odbor utvrđuje kalendar takmičenja.

Takmičenje je pojedinačno i ekipno, u muškoj i ženskoj konkurenciji, posebno za svaku takmičarsku kategoriju, a koje su utvrđene ovim Pravilnikom.

Za ekipni poredak u muškoj konkurenciji uzimaju se najbolja tri rezultata muškaraca u svakoj takmičarskoj kategoriji.

Za ekipni poredak u ženskoj konkurenciji uzimaju se najbolja tri rezultata žena u svakoj takmičarskoj kategoriji.

Ekipni poredak se izrađuje posebno za svako kolo Federalne lige, odnosno Prvenstvo Federacije Bosne i Hercegovine.

Ekipni rezultati se uzimaju iz svih održanih takmičarskih kola lige (manje jedno). Na primjer, ako je u jednoj takmičarskoj sezoni održano 5 (pet) takmičarskih kola onda se boduju 4 (četiri).

U pojedinačnoj konkurenciji za konačni plasman računaju se 3 (tri) najbolja rezultata iz svih održanih takmičarskih kola lige.

Za evidenciju rezultata Federalne lige/Prvenstva vodi se bilten. Podatke sa takmičenja u elektronsku bazu podataka unose domaćini takmičenja u saradnji sa delegatom i komesarom lige.

Nakon svakog kola lige/Prvenstva klubovima se u roku od 2 (dva) dana u elektronskoj verziji dostavlja primjerak biltena. Printana verzija se dostavlja klubovima najkasnije 15 dana nakon takmičenja.

Ukoliko tehničke mogućnosti dozvoljavaju bilten se može dostaviti i odmah na kraju kola lige, odnosno Prvenstva.

Član 5. (Pravila za nastupanje u kategorijama)

Takmičar koji započne takmičenje u Federalnoj ligi u određenoj kategoriji ostaje do kraja lige u toj kategoriji, shodno prijavi kluba i ovim pravilnikom. Kategorije su navedene u Prilogu 6. ovog Pravilnika.

Izuzetak od prethodnog stava u ovom članu su Prvenstva FBiHi druga takmičenja turnirskog tipa na kojima će strijelci nastupati u kategorijama kako je to regulisano u novim Pravilima SS BiH i ISSF, tj. takmičar u jednoj kategoriji može nastupati do vremena kada napuni godine starosti u toj kategoriji (do datuma rođenja).

Takmičar iz niže kategorije može se takmičiti u jednoj višoj kategoriji, a u skladu sa prethodnim stavom. Takmičar iz više kategorije se ne može takmičiti u nižoj kategoriji.

Član 6. (Takmičarske kategorije)

Pojedinačno i ekipno takmičenje je po kategorijama.

Kategorije su:

- 1) Pioniri – djevojčice/dječaci od 11 do 13 godina.***
- 2) Kadeti – djevojčice/dječaci od 14 do 18 godina.***
- 3) Juniori – djevojčice/dječaci od 19 do 21 godine.***
- 4) Seniori – ženei muškarci od 22 i stariji***

Prije početka prvog kola Federalne lige predstavnici klubova dužni su Savezu (STK) dostaviti identifikacioni dokument takmičara (kopija rodnog lista).

Takmičari za koje se na osnovu validne identifikacije ne utvrdi starosna dob, ili za koje klub ne dostavi identifikacioni dokument, može nastupiti na takmičenju, ali njegov rezultat neće biti validan sve dok klub ne dostavi potrebne podatke o starosti. Ako se traženi podaci ne dostave rezultat takmičara se briše.

Član 7. **(Rukovodstvo i organi lige/Prvenstva)**

Za takmičenje u Federalnim takmičenjima serijskom vazдушnom puškom imenuje se stručni tim koji u svom sastavu ima:

- 1. Komesara lige**
- 2. Stručno-takmičarsku komisiju**
- 3. Delegata takmičenja**
- 4. Komisiju za ocjenjivanje meta**
- 5. Linijske sudije**

1. KOMESAR LIGE

Komesara lige bira i imenuje Upravni odbor SS FBiH, a na osnovu prijedloga STK.

Mandat komesara lige traje jednu takmičarsku sezonu sa mogućnošću ponovnog izbora za narednu sezonu.

Komesar lige je najodgovornija osoba za regularnost takmičenja.

Komesar ligeo bavlja sljedeće zadatke i obaveze:

- a) *Rukovodi takmičenjem i koordinira rad ostalih organa lige,*
- b) *Kontroliše regularnost takmičenja,*
- c) *Obavještava klubove o svim bitnim pitanjima vezanim za takmičenja,*
- d) *Dostavlja Streljačkom savezu FBiH i klubovima zvanične rezultate (bilten) za svako kolo lige, odnosno Prvenstvo FBiH.*
- e) *Prima primjedbe na tehničke neispravnosti u biltenu,*
- f) *Dostavlja Stručno takmičarskoj komisiji tačne podatke za bilten i*
- g) *Kontinuirano ostvaruje saradnju sa SS FBiH, te koordinira rad i aktivnosti sa klubovima.*

Komesar lige koordinira rad sa Streljačkim savezom FBiH, Stručno-takmičarskom komisijom, klubovima i zastupa interese svih klubova lige.

Komesar lige ima pravo na novčanu nadoknadu za svako takmičenje, a visinu iste utvrđuje Upravni odbor saveza.

Komesar lige prima izvještaj delegata takmičenja o ispunjenju svih uslova za početak kola lige i daje saglasnost da takmičenje počne.

Na kraju takmičarske sezone komesar lige Upravnom odboru SS F BiH podnosi izvještaj o radu sa statističkim pokazateljima, lošim i dobrim stranama takmičenja, te prijedlozima za daljnje aktivnosti.

Komesar lige za svoj rad odgovara Upravnom odboru Streljačkog saveza F BiH.

2. STRUČNO-TAKMIČARSKA KOMISIJA (STK)

Za potrebe rada Federalne lige i svih takmičenja u „domaćem programu“ koja se organizuju na nivou SS F BiH imenuje se stručno-takmičarska komisija (STK).

Komisiju bira Upravni odbor Saveza većinom glasova sa mandatom od četiri godine, uz mogućnost produženja mandata. Komisija ima 3 (tri) člana koji sebi biraju predsjednika komisije.

Komisija je najodgovornija institucija za organizaciju i realizaciju svih takmičenja, te unos podataka sa takmičenja u propisane obrasce i za izradu biltena.

U toku takmičenja Komisija ima slijedeće obaveze i zadatke:

- a) na licu mjesta unosi rezultate u elektronsku bazu podataka.*
- b) nakon svake partije izrađuje pregled rezultata partije i dostavlja delegatu takmičenja radi objavljivanja istih na oglasnoj ploči.*
- c) vodi zapisnik sa takmičenja i evidentira sve bitne događaje u isti.*
- d) u zapisnik unosi podatke o eventualnim prigovorima na rezultate.*
- e) nakon unošenja podataka u evidenciju odlaže mete i takmičarske kartone u kartonsku kutiju za arhiviranje.*

Komisija u roku od 2 dana izrađuje bilten sa takmičenja i dostavlja komesaru lige na kontrolu i odobravanje. U slučaju tehničkih neispravnosti u biltenu iste po nalogu komesara otklanja i ponovno dostavlja bilten komesaru lige.

Komisija vodi elektronsku evidenciju podataka sa takmičenja i arhivira biltene sa svakog kola lige.

Za svoj rad Komisija odgovara UO SS F BiH.

Stručno takmičarska komisija ima pravo na novčanu nadoknadu za svako takmičenje, a visinu iste utvrđuje Upravni odbor saveza.

2. DELEGAT TAKMIČENJA/GLAVNI SUDIJA

Delegata takmičenja za svako kolo lige/Prvenstvo imenuje komesar lige.

Delegat pojedinačnog kola lige/Prvenstva utvrđuje tehničku ispravnost streljane i zajedno sa predstavnicima kluba domaćina izrađuje raspored takmičara po linijama koji dostavlja predstavnicima klubova.

U kordinaciji sa STK provjerava dostavljene spiskove takmičara.

Prije početka takmičenja delegat lige izvještava komesara lige da su ispunjeni svi uslovi za početak kola lige/Prvenstva FBiH i daje znak linijskim sudijama da takmičenje započne.

U toku takmičenja delegat vodi računa da se poštuje kućni red u streljani i u slučaju da se pojave određeni problemi otklanja ih nalicu mjesta. Po potrebi izvještava će upozoriti predstavnika kluba o nepravilnostima.

Delegat nadgleda rad komisije za ocjenjivanje meta i linijskih sudija.

Po završetku takmičenja delegat potpisuje zapisnik sa takmičenja u koji unosi svoje primjedbe ili prijedloge.

Za svoj rad delegat je odgovoran komesaru lige.

Delegat takmičenja ima pravo na novčanu nadoknadu za svako takmičenje, a visinu iste utvrđuje Upravni odbor saveza.

3. KOMISIJA ZA OCJENJIVANJE META

Komisija za ocjenjivanje meta se određuje za svako kolo Federalne lige/Prvenstvo posebnom odlukom.

Poželjno je, ali ne i uslov, da komisija bude stalnog sastava radi zauzimanja istih kriterija prilikom ocjenjivanja meta.

Komisija ocjenjivanje meta može vršiti ručno ili automatskom obradom aparatom za ocjenjivanje meta.

Komisija za ocjenjivanje meta broji 3 (tri) člana koji vrše ocjenjivanje meta i unos podataka u takmičarske kartone (ukupan broj krugova).

Komisija mete i takmičarske kartone prima isključivo od linijskih sudija.

Nakon ocjenjivanja meta i unosa podataka komisija mete i takmičarske kartone dostavlja do STK na daljnju obradu.

Komisija od ovlaštenog predstavnika kluba prima prigovor na rezultate, izvještava delegata takmičenja o prigovoru i zajedno sa njim vrše provjeru rezultata i donose odluku o prigovoru.

U posebnim slučajevima, o prigovoru može odlučivati i komesara lige, ukoliko komisija i delegat nisu u mogućnosti donijeti jednoglasnu odluku.

Komisija za ocjenjivanje meta je odgovorna za ispravnost bodovanja i odluke komisije su konačne.

Komisija za svoj rad odgovara delegatu takmičenja.

Komisija ima pravo na novčanu nadoknadu za svako takmičenje, a visinu iste utvrđuje Upravni odbor saveza.

3. LINIJSKE SUDIJE

Linijske sudije se određuju prije početka kola lige/Prvenstva, od strane kluba domaćina kola lige/Prvenstva.

Za potrebe takmičenja u svakom kolu Federalnelige/Prvenstva imenuju se potreban broj linijskih sudaca. Broj linijskih sudija određuje se na osnovu broja linija za gađanje u streljani, na način da se na svakih deset streljačkih linija imenuje po jedan linijski sudija.

U zavisnosti od potrebe i fizičkih karakteristika streljane, može se imenovati više ili manje linijskih sudija (u odnosu na broj linija za gađanje). Imenovanje sudija vrši domaćin takmičenja i najkasnije 24 sata prije početka takmičenja delegatu takmičenja i komesaru lige dostavlja imena sudija i satnicu gađanja.

Zbog komunikacije u streljani linijske sudije između sebe određuju Glavnog linijskog suca.

Linijske sudije od komisije za ocjenjivanje meta preuzimaju probne i takmičarske mete, te dijeli strijelcima na liniji.

Prije davanja signala za početak meč serije linijske sudije provjeravaju da li je svaki strijelac na liniji pravilno popunio takmičarski karton, da li je svaki strijelac dobio određeni broj meta i da li su ispunjeni ostali uvjeti za regularan početak takmičenja. Nakon toga izvještavaju delegata takmičenja o stanju a Glavni linijski sudija komandom START daje znak za početak meč partije.

U toku meč partije linijske sudije nadgledaju rad strijelaca na liniji kao i rad predstavnika klubova koji imaju pravo pristupa takmičaru (u skladu sa kategorijom takmičara). Vode računa da tokom takmičenja svi strijelci imaju jednake uslove za takmičenje.

Glavni linijski sudija glasom najavljuje zadnjih 10 i 5 minuta takmičenja. Takmičenje završava komandom STOP.

Linijske sudije od takmičara koji završi gađanje preuzima mete i takmičarske kartone. Primljene mete zajedno sa takmičarskim kartonom predaje komisiji za ocjenjivanje meta.

Linijski sudija upozorava i sankcioniše takmičara:

- a) *Ako ispali hitac prije komande START (oduzimanje pogotka sa mete na koju je ispalio, ili oduzimenjem 2 kruga ako je to bila proba),*
- b) *Ako ometa takmičara do sebe,*
- c) *Napravi prestup preko dozvoljene linije,*
- d) *Nasloni se na sto,*
- e) *Koristi mobilni aparat na liniji dok traje meč,*
- f) *Ako nakon početka meč serije ponovo gađa probne mete,*
- g) *Ako ispali hitac nakon komande STOP (evidentira se kao promašaj),*
- h) *Ne dostavi meč mete i takmičarski karton linijskom sudiji.*

Linijski sudija će delegatu takmičenja prijaviti takmičara ukoliko nakon prvog upozorenja:

- a) *ometa druge takmičare na liniji,*
- b) *napravi prestup preko označene linije,*
- c) *nasloni se na sto,*
- d) *ponovo gađa probne mete,*
- e) *koristi mobilni telefon za vrijeme meč serije i*
- f) *ne dostavi mete i takmičarski karton linijskom sudiji.*

Delegat će, u koordinaciji sa komisijom za ocjenjivanje meta, odlučiti o sankcionisanju takmičara (ako je potrebno izvršiti i diskvalifikaciju strijelca u zavisnosti od težine prekršaja).

Linijske sudije imaju pravo na novčanu nadoknadu za svako takmičenje, a visinu iste utvrđuje Upravni odbor saveza.

Član 8. (Obaveze i ograničenja takmičara)

Svaki takmičar je obavezan da poznaje pravila takmičenja propisana ovim Pravilnikom.

Po završetku meča takmičar linijskom sudiji dostavlja meč mete i takmičarski karton, te se udaljava sa linije gađanjane ne uzimajući svoju opremu dok meč ne završi.

Strogo je zabranjeno da takmičar nakon završetka meča svoje mete i takmičarski karton predaje svom treneru ili članu kluba.

Svaki takmičar mora složiti mete po numeraciji kako je dobio prije početka meča. Takmičaru koji dostavi takmičarske mete koje nisu složene po numeraciji oduzimaju se 2 (dva) kruga. Sudije za ocjenjvanje meta će ovo evidentirati na takmičarskom kartonu.

U slučaju da se na jednoj meti pojavi više od 1 pogotka, takmičar to prijavljuje linijskom sudiji. Linijski sudija na slijedećoj meti evidentira pogodak sa prethodne mete i potpisuje se. U nastavku meča takmičar puca u skladu sa pravilnikom. Ukoliko se u nastavku meča dogodi ista situacija takmičaru se bolji pogodak smatra promašajem, a naredna meta ostaje prazna. Evidentiranje pogodaka u ovom slučaju obavezno vrši linijski sudija.

U slučaju kada se utvrdi da je takmičar pucao u metu drugih takmičara linijski sudija o istom upozna je delegata takmičenja koji utvrđuju činjenično stanje i preduzimaju mjere.

U slučaju da takmičar preda manji broj meta od predviđenog u rezultat mu se uzima konačan zbir sa predatih meta.

U slučaju da je iz nekog razloga takmičar promašio cijelu metu, ne može ponovo gađati istu.

U slučaju da takmičar umjesto meč mete preda probnu metu ista se smatra kao promašaj i ne uzima za konačan zbir.

U slučaju da takmičar preda veći broj meta u rezultat se ne uzimaju mete koje su preko dozvoljenog broja po pravilniku (mete izvan numeracije navedene u takmičarskom kartonu). Ukoliko se među meč metama nađe meta koja ne odgovara numeraciji ista se smatra kao promašaj.

Takmičaru za koga se utvrdi da je pucao u metu drugog takmičara oduzima se njegov najbolji pogodak i smatra se promašajem. Na meti strijelca koji ima dva pogotka, a koji su nastali u ovom slučaju, evidentira se bolji pogodak (drugi pogodak se briše).

Nakon što skine metu sa nosača takmičar nema pravo intervencije po osnovu te mete.

Strogo se zabranjuje diranje mjesta pogotka drugim predmetima ili nožima. Takmičar koji se ne bude pridržavao ovog pravila bit će diskvalifikovan.

Takmičar smije na komadu papira popisati svoje pogotke sa mete ali na način da ne ometa takmičare do sebe. Strogo se zabranjuje upotreba mobilnih aparata za slikanje meta.

Član 9. (Meč serije)

U Federalnoj ligi/Prvenstvu FBiH puca se MEČ serija od 20 dijabola u 20 meta, plus 2 probne mete sa neograničenim brojem probnih dijabola. Partija traje 30 minuta.

Kada linijski sudija označi početak meča, takmičar na liniji može po završetku probe započeti gađanje u meč mete bez posebnog znaka sudije. Nakon što je započeo meč seriju takmičar ne smije ponovno stavljati probne mete.

Član 10.
(Rangiranje ekipa)

Rangiranje ekipa u kantonalnoj ligi vrši se po slijedećem principu:

Ekipe osvajaju bodove na osnovu plasmana u svakom kolu, koji se nakon zadnjeg kola sabiraju za konačni plasman.

- **Bodovi za plasman u svakom kolu se računaju od broja klubova učesnika pa prema broju 1, koliko dobiva klub koji je najslabiji na tom kolu lige.**

Primjer: ako u ligi ne učestvuje više od 10 klubova onda ide; 1. mjesto – 10 bodova, 2. mjesto – 9 bodova, 3. mjesto – 8 bodova itd. Kod istog zbira krugova u jednom kolu, bolja ekipa je koja ima veći zbir unutrašnjih centara svih članova ekipa. Ako je isto odlučuje zbir posljednje serije članova ekipe. Ako je i to isto, odlučuje pretposljednja serija itd.

Pobjednik Lige je ekipa koja sakupi najveći broj bodova iz svih kola.

Primjer obračuna ekipnih rezultata ako u ligi učestvuje više od deset klubova:

1. Mjesto_____	12 bodova
2. Mjesto_____	11 bodova
3. Mjesto_____	10 bodova
4. Mjesto_____	9 bodova
5. Mjesto_____	8 bodova
6. Mjesto_____	7 bodova
7. Mjesto_____	6 bodova
8. Mjesto_____	5 bodova
9. Mjesto_____	4 bodova
10. Mjesto_____	5 bodova
11. Mjesto_____	4 bodova
12. Mjesto_____	3 boda

Rangiranje ekipa se vrši na isti način u svim ekipnim takmičenjima (ekipni poredak u muškoj i ekipni poredak u ženskoj konkurenciji, u svim takmičarskim kategorijama definisanim u ovom Pravilniku).

Pojedinačni plasman najboljih strijelaca Lige određuje prosjek najbolja tri rezultata u Ligi ako Liga ima četiri kola. To jest, za pojedinačni plasman mogu konkurisati takmičari koji su izostali sa jednog kola Lige.

Član 11.
(Mete i takmičarski kartoni)

Probne mete ne moraju biti numerisane, odnosno moraju biti vidno označene i ne mogu se računati za bodovanje (zasječen ili markerom označen gornji desni vrh mete).

Takmičarske, odnosno meč mete moraju biti numerisane. Mete za sva takmičenja moraju biti identične.

Takmičarski karton mora biti popunjen u skladu sa Pravilnikom. Takmičaru koji ne popuni takmičarski karton oduzimaju se 2 (dva) kruga.

Član 12.
(Situacije kod identičnih rezultata)

U slučaju da na kraju Federalne lige/Prvenstva FBiH dva kluba imaju isti broj bodova, bolja je ona ekipa koja ima veći zbir krugova iz svih kola, a ako je i zbir krugova isti, bolja ekipa je ona koja je imala veći ekipni rezultat na bilo kom kolu Lige. Ako je i to isto odlučuje drugi veći rezultat u Ligi, pa treći itd.

U slučaju identičnog rezultata kod dvije ekipe u jednom kolu, prednost ima ekipa koja ima veći pojedinačni rezultat koji je ušao u ekipni zbir. U slučaju istog pojedinačnog rezultata uzima se sljedeći i tako dok se ne utvrdi razlika.

U slučaju istog prosjeka rezultata prednost ima strijelac koji ima veći pojedinačni rezultat u toku Lige. Ako je i to isto odlučuje sljedeći veći rezultat itd. Ako su isti i ti rezultati, bolji je onaj strijelac koji ima veći broj centara u zadnjem kolu lige ili na pojedinačnom takmičenju (Prvenstvo FBiH).

Član 13.
(Asistencija i komunikacija)

Za vrijeme meč serije pionira i kadeta dozvoljena je asistencija trenera koja se odnosi na usmene instrukcije i pomjiranje nišana ali tako da ne ometa druge takmičare.

Tokom meč serije za pionire i kadete praktcirati da su pioniri i kadeti jedne ekipe jedan do drugoga kako ne bi došlo do ometanja strijelaca iz drugih klubova.

U zavisnosti od situacije u streljani i broja takmičara pionirske i kadetske kategorije, dozvoljeno je da jedna ekipa koristi kompletnu liniju za gađanje o čemu će se klubovi dogovoriti žrijebanjem na dan takmičenja.

U juniorskoj i seniorskoj kategoriji u toku probne serije dozvoljeno je komuniciranje između takmičara i trenera koje se odnosi na „gestikulacije“ znakovima. Tokom ovih aktivnosti strogo voditi računa da se ne ometaju drugi strijelci.

U juniorskom i seniorskom takmičenju strijelci na liniji gađanja moraju biti izmješani tako da se ne dozvoli da su jedan do drugoga strijelci iz istoga kluba.

Takmičari će dizanjem ruke sve zastoje na oružju prijaviti linijskom sudiji.

Takmičar koji odustane od takmičenja u bilo koje vrijeme nakon što je ispalio prvi probni hitac na takmičenju ne može biti zamjenjen.

Ukoliko takmičar mora prekinuti gađanje ne svojom greškom, linijski sudija mu dodjeljuje dodatno vrijeme. Ukoliko mora promijeniti streljačko mjesto takmičar ima pravo na jednu probnu metu i neograničen broj probnih hitaca, te dodatno vrijeme koje mu je isteklo prilikom zamjene mjesta.

Ukoliko dođe do kvarova na nosačima meta ili pucanja špage na istim, linijski sudija je dužan prekinuti takmičenje dok se kvar ne otkloni. Meč će se produžiti za izgubljeno vrijeme.

U toku meč serije takmičarima svih kategorija dozvoljeno je udaljavanje sa linije gađanja, uz obaveznu najavu linijskom sudiji, a sa linije silazi na način da ne ometa strijelce do sebe.

Član 14. (Prigovori)

Ovlašteni predstavnik kluba ima pravo uložiti prigovor na rezultate (Prilog broj: 3.).

Prigovor se ulaže komisiji za ocjenjivanje meta u roku od 30 minuta nakon zvaničnog objavljivanja rezultata na oglasnoj ploči.

Prigovor se ne može uložiti na žirirani pogodak odnosno pogodak koji je komisija procjenila i ocjenila.

Taksa za prigovor iznosi 10,00 KM i plaća se u gotovini komisiji za ocjenjivanje meta. Komisija će odluku o prigovoru donijeti u roku od 45 minuta po prijemu istog. Vrijeme prijema prigovora mora biti evidentirano u gornjem desnom uglu obrasca. U slučaju da je prigovor osnovan komisija vraća klubu uplaćeni iznos takse.

Ovlašteni predstavnik kluba može biti prisutan tokom rješavanja po prigovoru.

U slučaju opravdane greške vrši se ispravka iste i tačni podaci se unose u za to predviđenu evidenciju. Prigovor mora biti evidentiran u zapisnik o takmičenju sa jasno naznačenim izmjenama.

Prigovore na rad organa lige ili regularnost takmičenja može dostaviti samo ovlašteni zastupnik kluba sa službene e-mail adrese kluba ili pisano komesaru lige. Komesar lige je obavezan da sa prigovorom upozna sve članice lige i da po istom preduzme mjere iz svoje nadležnosti.

Član 15. (Sigurnost)

U toku takmičenja svi prisutni su obavezni voditi računa o mjerama sigurnosti kako ne bi došlo do povređivanja ili samopovređivanja.

Za sigurnost u toku takmičenja odgovoran je delegat takmičenja/sudija.

Ovlašteni predstavnici klubova odgovorni su za svoje takmičare.

Svaki takmičar je odgovoran za svoje postupke na liniji gađanja i u situacijama dok drži oružje u rukama.

Lica koja se ne budu pridržavala mjera sigurnosti tokom takmičenja bit će diskvalifikovana sa takmičenja i udaljena iz streljane. O ovakvim slučajevima delegat takmičenja/sudija će sačiniti službenu zabilješku o događaju koju će priložiti uz zapisnik.

Član 16. (Nagrade)

Za najuspješnije takmičare i ekipe, nakon završnog takmičenja, planirane su nagrade po sljedećem:

Za ekipne pobjednike u svim takmičarskim kategorijama - muški ekipni poredak, planirati po sljedećem:

- 1. mjesto..... pehar, medalje i diploma**
- 2. mjesto..... pehar, medalje i diploma**
- 3. mjesto..... pehar, medalje i diploma**
- 4. mjesto.....diploma**
- 5. mjesto.....diploma**

Za ekipne pobjednike u svim takmičarskim kategorijama - ženski ekipni poredak, planirati po sljedećem:

- 1. mjesto..... pehar, medalje i diploma**
- 2. mjesto..... pehar, medalje i diploma**
- 3. mjesto..... pehar, medalje i diploma**
- 4. mjesto.....diploma**
- 5. mjesto.....diploma**

Ukupno: 8 setova pehara (8 velikih, 8 srednjih i 8 malih pehara), 24 zlatnih, 24 srebrenih i 24 brončanih medalja (medalje prečnika 5 cm), 40 diploma.

Za pojedinačne pobjednike nagrade planirati po sljedećem:

Pioniri – djevojčice / dječaci

- 1. mjesto..... zlatna medalja i diploma**
- 2. mjesto..... srebrna medalja i diploma**
- 3. mjesto..... brončana medalja i diploma**
- 4. mjesto..... diploma**
- 5. mjesto..... diploma**

Kadeti – djevojčice / dječaci

1. mjesto..... *zlatna medalja i diploma*
2. mjesto..... *srebrna medalja i diploma*
3. mjesto..... *brončana medalja i diploma*
4. mjesto..... *diploma*
5. mjesto..... *diploma*

Juniori – ženske/ muški

1. mjesto..... *zlatna medalja i diploma*
2. mjesto..... *srebrna medalja i diploma*
3. mjesto..... *brončana medalja i diploma*
4. mjesto..... *diploma*
5. mjesto..... *diploma*

Seniori – žene/muškarci

1. mjesto..... *zlatna medalja i diploma*
2. mjesto..... *srebrna medalja i diploma*
3. mjesto..... *brončana medalja i diploma*
4. mjesto..... *diploma*
5. mjesto..... *diploma*

Ukupno: 8 zlatnih, 8 srebrenih i 8 brončanih medalja, 40 diploma (medalje prečnika 7 cm).

Upravni odbor SS FBiH će u toku takmičenja dogovoriti detalje vezane za tekst na peharima, medaljama i diplomama kao i dizajn diploma.

Nagrade se moraju osigurati do početka predzadnjeg kola takmičenja, u slučaju kod prvenstava najkasnije 48 (četrdeset i osam) sati prije početka takmičenja, a za šta je odgovoran Upravni odbor SS FBiH.

Sredstva za obezbjeđenje nagrada osigurava Streljački savez, u saradnji sa članovima Saveza.

Član 17. (Organizacija Prvenstva FBiH)

Prvenstvo se organizuje na način da se održava u dva termina i to: pioniri i kadeti u jednom, a juniori i seniori u drugom terminu.

Domaćinstvo prvenstva u skladu sa prijedlozima klubova utvrđuje STK, a konačnu odluku donosi Upravni odbor Saveza. Datum i mjesto održavanja prvenstva utvrđuje se u zvaničnom Kalendaru takmičenja.

Pravila vezana za organizaciju i realizaciju koja vrijede za Federalnu ligu vrijede i za organizaciju Prvenstva FBiH.

Za rezultate Prvenstva uzimaju se rezultati postignuti na dan takmičenja.

Član 18.
(Izmjene, dopune i tumačenje Pravilnika)

Ovaj Pravilnik je obavezujući za sve klubove učesnike lige/Prvenstva.

Pravilnik se ne može mijenjati kada takmičarska sezona počne.

Izmjene i dopune Pravilnika donosit će se na kraju sezone, a u zavisnosti od potreba i po osnovu prijedloga i zahtjeva većine klubova. Ovlašteni predstavnici klubova komesaru lige dostavljaju prijedlog za izmjene i dopune pravilnika, a komesar po prijemu istih predlaže sastanak Upravnog odbora Savezgdje prezentira predložene izmjene.

Izuzetno od stava 2. ovog Člana, kada pravilnikom nije definisan neki događaj koji utiče na pravilnost takmičenja, pravilnik se može dopunjavati uz prethodnu koordinaciju sa predstavnicima streljačkih klubova. Izmjene se mogu dogovarati elektronskim putem (viber grupa ili e-mail), a na prvom radnom sastanku moraju biti potvrđene.

Sve dopune i izmjene ovog Pravilnika raditi u skladu sa Pravilnicima propisanim od strane SSBiH i ISSF Pravila.

Za tumačenje pravilnika ovlašten je Upravni odbor saveza.

Član 19.
(Takmičenja u vanrednom stanju)

U slučaju vanrednog stanja na prostoru Bosne i Hercegovine, a poštujući instrukcije nadređenih institucija, takmičenje u streljaštvu će se prilagoditi trenutnom stanju, o čemu će na prijedlog STK, odlučiti Upravni odbor saveza.

Član 20.
(Stupanje na snagu)

Pravilnik stupa na snagu danom potpisivanja od strane Predsjednika streljačkog saveza FBiH.

Član 21.
(Završne odredbe)

Usvajanjem ovog Pravilnika prestaju se koristiti dosadašnje propozicije takmičenja u streljaštvu serijskom vazдушnom puškom.

Broj: _____
Datum: ____.____.2022. godine

PREDSJEDNIK UO SS FBiH
Rašid Kasumović

PRILOZI:

- 1. Izgled mete za takmičenje u „domaćem programu“ – Federalnoj ligi u streljaštvu serijskom vazдушnom puškom*
- 2. Prigovor na rezultate*
- 3. Takmičarski karton*
- 4. Zapisnik sa takmičenja*
- 5. Pregled godišta po kategorijama za 2022. godinu*
- 6. Tabela za prijavu takmičara*

Prilog 1: Izgled mete za takmičenje u „domaćem programu“ – Fedealnoj ligi u streljaštvu serijskom vazдушnom puškom.



Meta za serijsku vazдушnu pušku:

- krug 10 = 2 mm
- krug 9 = 11 mm
- krug 8 = 20 mm
- krug 7 = 29 mm
- krug 6 = 38 mm
- krug 5 = 47 mm
- krug 4 = 56 mm
- krug 3 = 65 mm
- krug 2 = 74 mm
- krug 1 = 83 mm
- prečnik crnog polja mete (od 7 do 10) = 29 mm
- krug „10“ predstavlja tačku bijele boje
- širina granične linije između krugova = 0,2 mm
- dozvoljeno odstupanje od propisanih dimenzija = 0,1 mm
- minimalna dimenzija papira mete je 10x10 cm

Prilog 2: Prigovor na rezultate - primjer

Vrijeme prijema prigovora _____

Na osnovu člana 14., Pravilnika o takmičenju u „domaćem programu“ - Federalnoj ligi serijskom vazдушnom puškom, streljački klub _____,

(naziv streljačkog kluba)

predstavljan od strane _____ ulaže:

(ime, prezime i dužnost predstavnika kluba)

PRIGOVOR

Na vrednovanje rezultata za takmičara: _____

(ime i prezime takmičara)

Takmičar je prema saopštenim rezultatima imao na meti/metama broj _____ ukupno _____ krugova.

Cijenimo da je došlo do greške prilikom sabiranja bodova i tražimo od delegata takmičenja da se izvrši ponovni uvid u mete i zbrajanje bodova.

PODNOŠILAC

(potpis)

Delegat i komisija za ocjenjivanje meta su/nisu uvažili prigovor streljačkog kluba _____ predstavljanog od strane gospodina _____, te je utvrđeno slijedeće stanje:

Takmičar: _____ je na meti

broj: _____ imao registrovano _____ krugova. Nakon ponovnog sabiranja utvrđeno je da

takmičar na meti broj: _____ ima _____ krugova.

REZULTATI SU KONAČNI

U _____ : ____ . ____ .202__ . godine

DELEGAT TAKMIČENJA

Prilog 3: Takmičarski karton

TAKMIČARSKI KARTON

Streljački klub: _____

Kategorija: *Pioniri* *Kadeti* *Juniori* *Seniori*

Disciplina: Serijska vazдушna puška - 10 metara

Takmičarsko kolo: **1.** **2.** **3.** **4.** **5.**

Prvenstvo FBiH za: *Pionire* *Kadete* *Juniore* *Seniore*

Serijski broj: _____

Strijelac: _____, godište: _____
(prezime i ime)

Streljačko mjesto broj: _____

REZULTATI:

Broj mete	Serijski broj	Broj krugova	Broj mete	Serijski broj	Broj krugova
1.			11.		
2.			12.		
3.			13.		
4.			14.		
5.			15.		
6.			16.		
7.			17.		
8.			18.		
9.			19.		
10.			20.		

UKUPNO: _____ krugova

Mjesto: _____

Datum: _____._____.202___. godine

Potpis strijelca:

Potpis sudije:

Prilog 4: Zapisnik sa takmičenja

Na osnovu člana 7., tačka 4., Pravilnika za takmičenje u „domaćem programu“ – Federalnoj ligi/prvenstvu serijskom vazdušnom puškom, komisija za ocjenjivanje meta donosi:

ZAPISNIK

O takmičenju održanom dana: ____ . ____ .202__ . godine

Domaćin takmičenja: _____
(naziv streljačkog kluba domaćin)

Mjesto održavanja takmičenja: _____

Vrijeme održavanja takmičenja: Početak: _____ sati.; Završetak: _____ sati.

Takmičarska komisija:

Predsjednik komisije: _____
(ime, prezime i klub)

Član: _____
(ime, prezime i klub)

Član: _____
(ime, prezime i klub)

Član: _____
(ime, prezime i klub)

Mi gore potpisani, pod punoj materijalnoj i moralnoj odgovornošću, tvrdimo da je takmičenje održano u skladu sa svim propisima koje su klubovi prihvatili.

Prilog ovog zapisnika su rezultati postignuti na dan takmičenja koji su vjerodostojni i uzimaju se kao konačni za vrednovanje konačne rang liste, odnosno na osnovu kojih će izvršiti bodovanje takmičara.

Prilog: Rezultati sa takmičenja

Prilog 6: PREGLED GODIŠTA PO KATEGORIJAMA ZA 2022. GODINU

R/B	GODINA	GODIŠTE	KATEGORIJA
1.	-	2022	
2.	1	2021	
3.	2	2020	
4.	3	2019	
5.	4	2018	
6.	5	2017	
7.	6	2016	
8.	7	2015	
9.	8	2014	
10.	9	2013	
11.	10	2012	
12.	11	2011	KADET-PIONIR
13.	12	2010	KADET - PIONIR
14.	13	2009	KADET - PIONIR
15.	14	2008	KADET
16.	15	2007	KADET
17.	16	2006	KADET
18.	17	2005	KADET
19.	18	2004	KADET
20.	19	2003	JUNIOR
21.	20	2002	JUNIOR
22.	21	2001	JUNIOR
23.	22	2000	SENIOR
24.	23	1999	SENIOR
25.	24	1998	SENIOR
26.	25	1997	SENIOR
27.	26	1996	SENIOR
28.	27	1995	SENIOR
29.	28	1994	SENIOR
30.	29	1993	SENIOR
31.	30	1992	SENIOR
32.	31	1991	SENIOR
33.	32	1990	SENIOR
34.	33	1989	SENIOR
35.	34	1988 i stariji	SENIOR

NAPOMENA: Ove kategorije vrijede samo za ligaška takmičenja. Na Prvenstvima FBiH i drugim takmičenjima turnirskog tipa primjenju se nova Pravila SS BiH i ISSF Pravila (strijelac u jednoj kategoriji može nastupati do vremena kada puni godine za tu kategoriju – datuma rođenja).

Prilog 7: Tabela za prijavu takmičara

Streljački klub: _____

Prijava takmičara za 202__ . godinu

R/B	PREZIME /IME OCA/ IME	GODIŠTE	KATEGORIJA	NAPOMENA
1.				
2.				
3.				
4.				
5.				
6.				
7.				
8.				
9.				
10.				
11.				
12.				
13.				
14.				
15.				
16.				
17.				
18.				
19.				
20.				
21.				
22.				
23.				
24.				
25.				
26.				
27.				
28.				
29.				
30.				